

आकाशवाणी

खबरां -----

1. आरजी कर दुषकर्म ते हत्या मामले च मुख आरोपी संजय राय गी उमर कैद दी सजा सनाई गई।
2. डोनाल्ड ट्रम्प होरें अज्ज अमरीकी राष्ट्रपति दे तौर पर सगंध लैने कोला पैहले अमरीका दे सामने औने आहले हर संकट गी दूर करने दा वायदा कीता ऐ।
3. गिग वर्कर्स गी तौले गै सामाजिक सुरक्षा दे दायरे च लेई औग, आखेआ केंद्री श्रम मंत्री मनसुख मांडविया होरें।
4. उत्तराखंड च मंत्रिमंडल नै समान नागरिक संहिता नियमावली गी मंजूरी देई दिती।
5. जम्मू-कश्मीर दे सोपोर इलाके च आतंकवाद बरोधी अभियान दौरान इक जुआन शहीद।

<><><><><><>

Kolkata-Rape Case

कोलकाता च सियालदाह दी सत्र अदालत नै आरजी कर बलात्कार ते हत्या मामले च मुख आरोपी संजय राय जी उमर कैद दी सजा सनाई ऐ। सत्र न्याधीश अनिबान दास होरें फैसला सनांदे होई आखेआ जे राज्य सरकार जी पीड़ित परोआर जी 17 लक्ख रपे दा मुआवजा देना होग। अदालत नै पिछले शनिवार जी संजय राय जी इस मामले च दोषी करार दितता हा। फैसला सुनाए जाने दे समें अदालत दे बाहर बड़ी बड्डी भीड़ किट्ठी होई गई ही जिसी दिक्खदे होई पुलिस नै सुरक्षा दे व्यापक इंतजाम कीते हे। गौरतलब ऐ जे महिला प्रशिक्षु डाक्टर दी लोथ पिछले बरे 9 अगस्त जी आरजी कर मेडिकल कालेज दे इक सेमीनार हाल थमां बरामद होई ही। एहदे अगले दिन कोलकाता पुलिस नै संजय राय जी गिरफ्तार कीता हा। बाद च उसी सीबीआई जी सोंपी दित्ता गेआ हा।



Natinoal Women Council

राष्ट्रीय महिला आयोग नै आरजी कर मेडिकल कालेज च इक डाक्टर कन्नै दुष्कर्म ते हत्या मामले च कोलकाता दी सत्र अदालत दे फैसले दा सुआगत कीता ऐ। आयोग नै इक बयान च आखेआ जे अभियोजन पक्ख दी दोषी जी

मृत्युदंड दिते जाने दी वकालत दे बादवजूद ओह उसी उमर कैद दी सजा
सनाए जाने दे अदालत दे फैसले गी स्वीकार करदे न।

<><><><><><>

Trump-Oath

डोनाल्ड ट्रम्प होर अज्ज अमरीका दे 47में राष्ट्रपति दे रूपै च सगंध लैडन।
सगंध लैने दा कार्जक्रम वाशिंगटन डीसी च अमरीका दे मुख न्याधीश
जस्टिस जान रॉबर्ट्स हुंदी मजूदगी च भारतीय समें मताबक रातीं साइडे 8
बजे होग। समारोह दे पैहले 78 बरें दी बरेसू दे ट्रम्प होर पिछली रातीं
वाशिंगटन डी सी च इक जेतू रैली गी संबोधित कीता। लोकें कन्नै भरोचे दे
मैदान च श्री ट्रम्प होर संयुक्त राज्य अमरीका दे सामने औने आहले हर
सैकंगी दूर करने लेई ऐतिहासिक गति कन्नै कम्म करने दा वायदा कीता।
अपनी योजनाएं दे बारे च जानकारी दिंदे होई श्री ट्रम्प होरें दावा कीता जे
उन्दे प्रशासन नै बदलाव आहले समें दौरान मध्य पूर्व च जो बिडन प्रशासन
दे मकाबले 4 बरे च मती हासल कीता ऐ। वाशिंगटन डीसी च बड़ी मती ठंडू
दी मेद करी समारोहें गी इमारत दे अंदर करी दिता गेआ ऐ।

<><><><><><>

Railway

उत्तर रेलवे आसेआ बरे 2024 च साइडे 19 जहार कर्मचारियें दी पदोन्नत कीता गेआ ऐ। रेलवे आसेआ एह पदोन्नति चयन कैलेंडर निगरानी प्रणाली दी मदद कन्नै कीता गेआ जिस च उत्तर रेलवे दे सब्बै मडल इकाइयें दे सब्बे श्रेणी दे कर्मचारियें गी शामिल कीता गेआ। उत्तर रेलवे दे महाप्रबन्धक ते प्रधान मुख कार्मिक अधिकारी अशोक कुमार वर्मा होरें दस्सेआ जे उत्तर रेलवे च कुल 1 करोड़ 16 लख कर्मचारी कम्म करा रदे न। उनें दस्सेआ जे इस पदोन्नती कन्नै कर्मचारियें दे माली लाह कन्नै गे पिनशनी होने आहले लाह च बी बढ़ौतरी होग।

<><><><><><>

Gig.

केंद्री श्रम ते रोजगार मंत्री डॉ. मनसुख मांडविया होरें अज्ज आखेआ जे श्रम बोर्ड तौलें गे गि वर्कर्स गी समाजिक सुरक्षा दे दायरे च आहन्नोग। उनें नमीं दिल्ली च असंगठित खेतर दे श्रमिकें लेई समाजिक सुरक्षा कवरेज उप्पर 2 दिनें दे अंतरराष्ट्रीय सेमीनार दे उद्घाटन दे बाद एह गल्ल आक्खी। श्री मांडविया होरें आखेआ जे श्रमिकें लेई विजन कुसै भेदभाव दे सामाजिक सुरक्षा सरकार दी प्राथमिकता ऐ। डॉ. मांडविया होरें दस्सेआ जे सरकार दी सोआस्थ सुरक्षा योजनाएं तैहत 60 करोड़ लोकें गी 5 लख रपे तोड़ी दा

मुफ्त इलाज मिलदा ऐ ते 5 किलोग्राम अन्न दाना उपलब्ध करोआया जंदा
ऐ तां जे कोई बी रूट्णी दे विजन नेई रवै।

<><><><><><>

Uttrakhand

उत्तराखंड च मंत्रिमंडल नै समान नागरिक संहिता नियमावली गी मंजूरी देई
दिती ऐ जिस राहें राज्य च एहदे लागू करने दी बत पदरी होई जाग।
मुख्यमंत्री पुष्कर सिंह धामी होरें देहरादून च मंत्रिमंडल दी बैठक दे बाद
मीडिया कन्नै गल्ल करदे होई आखेआ जे उत्तराखंड च यू.सी.सी दा लागू
होना देश दे बाकी राज्यें लेई प्रेरणा स्रोत होग। समान नागरिक संहिता एह
यकीनी करने दी कोश करदी ऐ जे सब्बे नागरिकें पर व्यक्तिगत सरबंधें दे
मामालें च समान कनून लागू हो। इस कन्नै समानता ते न्याय गी बढ़ावा
थ्होग।

<><><><><><>

PM

प्रधानमंत्री नरेंद्र मोदी होरें अज्ज आखेआ जे खडोने बनाने दे खेतर च प्रगति
नै सरकार दे आत्मनिर्भरता दे प्रयासों गी बढ़ावा देने कन्नै गै देश दी
परम्पराएं ते उद्यमिता गी बी लोकप्रिय बनाया ऐ। सोशल मीडिया प्लेफार्म
पर मन की बात अपडेट्स आसेआ सांझा कीती गेदी इक पोस्ट दा जवाब

दिंदे होई प्रधानमंत्री होरें आखेआ जे इस कार्यक्रम दे इक एपीसोड च उनें देश च सामूहिक प्रयासें कन्ने खडोने बनाने दी परम्परा गी बढ़ावा देने लेई आखेआ हा।

<><><><><><>

VP

उपराष्ट्रपति जगदीप धनखड़ होरें देश दी समृद्ध विरासत ते शास्त्रीय भाषाएं कन्ने फही जड़ियै सांस्कृति पुर्नजागरण दी जरूरतै पर बल दिता। उपराष्ट्रपति होरें अज्ज नमीं दिल्ली च भवन दे नंदलाल नुवाल इंडोलॉजी सेंटर दा नीह पत्थर समारोह च संबोधन दौरान भारतीय ज्ञान ते एहदे वैश्विक नजरिये दे परस्पर सरबंध दा जिक्र कीता। उनें दोहराया जे भारत नै म्हेशां शांति ते सदभाव लेई प्रयास कीते न।

<><><><><><>

Post-Deptt.

भारत दे संविधान दे 75 बरे पूरे होने दे सरबंधै च डाक विभाग नै नमी दिल्ली दे राष्ट्रीय डाक पिक संग्रहालय च त्रै दिन दे कार्यक्रम दा सरिस्ता कीता ऐ। इसदे च हर उमरी दे लोकें आस्तै मनोरंजक ते आकर्षक कार्यक्रम

होआ र दे न। इसदा मकसद नागरिकें गी संविधान च निहित मूल्यें पर विचार करने आस्तै प्रेरित करना ऐ ते कन्ने गै एकता ते राष्ट्रीय गौरव दी भावना गी बढ़ावा देना ऐ। समारोह दौरान प्रदर्शनी, प्रश्नोत्तरी, स्रौप सफारी ते पत्र लेखन प्रतियोगिता दा आयोजन कीता जाग। संचार मंत्री ज्योतिरादित्य सिंधिया होरें अज्ज डाक िक संग्रहालय दा दौरा लाया।

<><><><><><>

Delhi-Republic Day

राजधानी नमीं दिल्ली च गणतंत्र दिवस समारोह दे मददेनजर सुरक्षा दे कड़े इंतजाम कीते गेन। शहर च हेंग ग्लाइडर्स, मानव रहित हवाई वाहन, मानव रहित विमान प्रणाली, घट् हवा दे गुब्बारे ते ड्रोन उप्पर पाबंदी लाई गई ऐ जेड़ी अगले म्हीने पैहली तरीक तोड़ी जारी रौहंग दिल्ली पुलिस नै दस्सेआ जे आदेश दी उल्लंघना करने आहलें खलाफ भारतीय न्यास संहिता तैहत कार्रवाई कीती जाग।

<><><><><><>

Operation-Gujjarpatti

सोपोर दे गुज्जरपट्टी इलाके च सुरक्षाबलें ते आतंकवादियें बश्कार छिड़े दे ाकरे च इक सैनिक शहीद होई गेआ। एह ाकरा कल संझा उस्सलै शुरू

होआ हा जिसले सोपोर दे गुज्जपट्टी इलाके च चलाए गेदे इक तपाशी अभियान दरान आतंकवादियें सुरक्षाबलें दे जवानें पर फायर खोल्ली दिता हा। उआं रातीं लै नेहरा होने करी गोलीबारी बंद होई गई ही, पर बड्डलै मूंह न्हरे थमां गै परतियै शुरू होई गई जिस दौरान इक सैनिक जख्मीं होई गेआ हा। उसी फौरी तौरा पर अस्पताल पजाया गेआ, जित्थे इलाज दौरान ओह वीरगति गी प्राप्त होई गेआ। अभियान जारी ऐ ते होर ब्यौरे गी बलगेआ जा'रदा ऐ।

<><><><><><>

Shamsher-Singh

भारती जनता पार्टी दे नेता ते राज्यसभा थां साबका मिम्बर शमशेर सिंह मन्हास हुंदा काल होई गेआ ऐ। ओह 65 बरें दे हे। उंदा जम्मू दे पलोड़ा इलाके च स्थित उन्दे निवास पर काल होआ, ओह शि चिरें थां कसरी चला रदे हे। बीजेपी नेता मूजब मन्हास होरें गी नमीं दिल्ली दे एम्स अस्पताल च भर्ती करवाया गेआ हा, पर उंदी हालात खराब होई गई। उन्दे परौपार आहलें उनेंगी जम्मू वापस लेई आए ते अज्ज उनें अपने घर खीरी साह लैता। उपराज्यपाल मनोज सिन्हा होरें शमशेर सिंह मन्हास हुंदा काल होई जाने पर दुख ते बसोस जाहिर कीता ऐ। अपने सौगी स्नेह च उपराज्यपाल होरें आखेआ जे ओह म्हेशां लोकें दी भलाई-बेहतरी लेई बचनबद्ध रेय।

उपराज्यपाल होरें उन्दे परोआर, दोस्ते ते शुभचिंतके प्रति अपनियां संवेदना जाहिर कीतियां।

<><><><><><>

WEF-Indian Growth

विश्व अपराधिक मंच दी 55मीं बैठक अज्ज स्विजरलैंड दे दावोस च शुरू होई। 5 दिनें दी बैठक च विकास च तेजी, नमीं तकनीके दे इस्तेमाल ते सामाजिक ते आर्थिक स्तर पर मजबूती आह्वाने दे उपाएं पर विचार कीता गेआ। वैश्विक बैठक च 130 शा मते देशे दे साइडे त्रै सौ सरकारी प्रतिनिधियें सने कोई 3 जहार प्रतिनिधि शामिल होडन। बैठक च भारत दा प्रतिनिधित्व सूचना ते प्रसारण मंत्री अश्विनी वैश्वणव, जल शक्ति मंत्री सी.आर पाणिल, सिविल हवाबाजी मंत्री के. राम मोहन नायडू, खाद्य प्रसंस्करण उद्योग मंत्री चिराग पासवान ते कौशल विकास ते उद्यमिता राज्यमंत्री जयंत चौधरी करा रदे न। किश राज्ये दे मंत्रियें दे बी बैठक च हिस्सा लेने दी मेद ऐ।

<><><><><><>

Inter-Ministerial Team

उच्ची सतह दी अंतर मंत्रालय पीम नै राजौरी जिले दे बडहाल गां दा दौरा लाया तां जे पिछले 45एं दिनें दौरान व्रतं परोआरें दे 17 लोकें दी रहस्यमयी मौतें दे पिछे दे कारणें दा पता लाया जाई सकै। आकाशवाणी संवाददाता नै जानकारी दिती ऐ जे गृह मंत्रालय आसेआ गठित कीती गेदी एह पीम कल संझा राजौरी च पुज्जी गई ही ते सीनियर जिला अधिकारियें सेहत ते पुलिस अधिकारियें आसेआ पीम गी मौजूदा हालात दा ब्यौरा दिता गेआ। एह पीम अज्ज बड्डलै साड्डे 11 बजे बडहाल पुज्जी गई ही ते उनें पीड़ित परोआरें कन्नै मलापी कीती। इनें रहस्यमयी मौतें दे कारणें दा पता लाने लेई पीम नै अपनी जांच शुरू करी दिती ऐ।

<><><><><><>

Defence-Minister

रक्षा मंत्री राजनाथ सिंह होरें आखेआ जे युवा राष्ट्र दी संपत्ति न जेड़े मुखे दी तरक्की बाद्दे ते राष्ट्र निर्माण च योगदान दिंदे न। अज्ज दिल्ली च एनसीसी गणतंत्र दिवस कैंप 2025 च अपने संबोधन दौरान उनें आखेआ जे भारत दी संस्कृति गी 140 करोड़ भारतीयें दी इकजुता जोड़ियै रक्खदी ऐ ते हर इक माहनु दा विकास समाज दे विकास गी दर्शादा ऐ। रक्षा मंत्री होरें लोकें गी आग्रह कीता जे ओह अनुशासन, एकता ते राष्ट्रीय अखंडता गी तरजीह देन कीजे इयै तरक्की दी बतै पर राष्ट्र निर्माण दे स्तम्भ न।



Special Train

महाकुंभ 2025 लेई यात्रुएं दी सुविधा लेई श्री माता वैश्वो देवी कऱा ते प्रयागराज बशकार 3 विशेष ट्रेनां चलाने दी घोशणा कीती ऐ। एदे कन्ने उत्थे जाने आहले श्रद्धालुएं गी सहूलत होग। इसदा मकसद यात्रुएं गी सूचारु ते रमानदारी आहली यात्रा दा अनुभव प्रदान करना ऐ। कऱा थवा विधायक वलदेव राज शर्मा होरें इस जतन दी सराहना कीती कीती ते आक्खेआ जे इस जतन गी लोकें दी खरी प्रतिक्रिया हासिल होआ र दी ऐ। मीडिया कन्ने गल्ल करदे होई उनें आक्खेआ----- (बाई)



Tennis

आस्ट्रेलिया ओपन टेनिस टूर्नामेंट च दुनिया दे नंबर 1 इतावली खडारी जेनिक सिनर होर क्वार्टर फाइनल च पुज्जी गेन। उनें मेलबर्न दे राड लेवर एरिना च 4 सेटें दे मकाबले च डैनिश खडारी होल्गर रूण खलाफ 6-3, 3-6, 6-2 कन्नै जित्त दर्ज कीती। महिला सिंगलस च शीर्ष अमरीकी खडारी मेडिसन कीज होरें कजाखस्तान दी 6मीं वरीयता आहली खडारन एलेना रयबाकिना गी चौथे दौर दे मकाबले च मार्गरेट कोर्ग एरिना च 6-3, 1-6, 6-3 कन्नै हराया।



Weather

मौसम विभाग नै 22 ते 23 जनवरी गी जम्मू संभाग दे पदरें इलाकें च हौली थमां दरम्याने दर्जे दी बरखा बरी सकदी ऐ ते केई उच्चे पहाड़ी इलाकें च बर्फबारी दी बी मेद ऐ। तोआई जम्मू-श्रीनगर राश्ट्री जरनैली शिड़क एनएच-44 पर गड़्डिएं दी आओजाई दौनें बक्खी दा बवस्था आहले ँगै'नै जारी ऐ। ऊआं लोकें गी एह सलाह दिती गेई ऐ जे ओह अपनी-अपनी लेन च पूरे अनुशासन कन्नै गड़्डी चलान ते दिनै दे बेल्ले गै सफर करन। तोआई राजौरी ते पुंछ जिलें गी कश्मीर घापी दे शोपियां जिले कन्नै जोड़ने आहली ऐतिहासक मुगल रोड केई थाहरें पर भारी बर्फ किट्ठी होने करी अजें बी गड़्डिएं दी आओजाई लेई बंद ऐ।



LG-Organ Donation

उपराज्यपाल मनोज सिन्हा होरें अज्ज अंगदान करने दा प्रण पाया। एहदे लेई उपराज्यपाल होरें सेहत ते परोआर कल्याण मंत्रालय दे आयुष्मान भारत अंगदान रजिस्ट्री पर पंजीकरण कीता। अंगदान ते िशू ट्रांसप्लांट सरबंधी SOTTO दे नुमाइंदे राजभवन जाइयै अंगदान दा प्रमाण पत्र उपराज्यपाल होरें

गी सौंपेआ। एहदे शा पैहले उपराज्यपाल होरें कल भारतीय जैन संस्थान
आसेआ आयोजित इक कार्यक्रम च अंगदान प्रति अपनी इच्छा जाहिर कीती
ही।

<><><><><><>

Dy. CM Handicrafts

उपमुखमंत्री सुरिंद्र चौधरी होरें अज्ज जम्मू-कश्मीर दी दस्तकारी गी राश्ट्रीय
ते अंतरराश्ट्रीय सतह पर बढ़ावा देने दी जरूरतें पर बल दिता ऐ।
उपमुखमंत्री होरें एह गल्ल अज्ज जम्मू-कश्मीर सेल मेले दा उद्घाटन करदे
होई आकखी। इस मेले च ऊन ते रेशम दे उत्पादें गी बदर्शाया गेआ। इस
दौरान उपमुखमंत्री होरें जम्मू-कश्मीर उद्योग गी निर्देश दिते जे ओह इयै
नेह कार्यक्रम जम्मू-कश्मीर च ते खिते दे बाहरें बी करोआने दी संभावनाएं दा
पता लान तां जे जम्मू-कश्मीर दी दस्तकारी ते विरासती उत्पादें गी दर्शाया
जाई सकैं। एह सेल मेला अगले 10 दिनें तगर जारी रौहग।

<><><><><><>

Operation-Gujjarpatti

सोपोर दे गुज्जरपट्टी इलाके च सुरक्षाबलें ते आतंकवादियें बशकार छिड़े दे
पाकरे च इक सैनिक शहीद होई गेआ। एह पाकरा कल संझा उस्सलै शुरू

होआ हा जिसले सोपोर दे गुज्जपट्टी इलाके च चलाए गेदे इक तपाशी अभियान दरान आतंकवादियें सुरक्षाबलें दे जवानें पर फायर खोल्ली दिता हा। उआं रातीं लै नेहरा होने करी गोलीबारी बंद होई गई ही, पर बड्डलै मूंह न्हरे थमां गै परतियै शुरू होई गई जिस दौरान इक सैनिक जख्मीं होई गेआ हा। उसी फौरी तौरा पर अस्पताल पजाया गेआ, जित्थे इलाज दौरान ओह वीरगति गी प्राप्त होई गेआ। अभियान जारी ऐ ते होर ब्यौरे गी बलगेआ जा'रदा ऐ।

<><><><><><>

Announcement

आकाशवाणी जम्मू दे खेत्तरीय समाचार एकांश आसेआ कठुआ जिले लेई अंशकालिक संवाददाता लेई दरखास्तां मंगियां गेइयां न। इच्छुक आवेदक जेदी उमर 24 थवां 50 बरें दे बश्कार ऐ ते ओह कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा अनुभव होना लोइचदा। मेदवार गी कम्प्यूटर खबर बनाने, मीडिया कवरेज दा अनुभव सने सरबंधी लोइचदे उपकरण दा इस्तेमाल बी करना आना चाइदा। आवेदक जिला सदर दफ्तर दी 10 किलोमीटर दी हद दे दे अंदर-अंदर रोहंदा होना चाइदा। दरखास्त ते लोइचदे दस्तावेज दी कॉपी मेदवार गी खेत्तरीय समाचार एकांश आकाशवाणी

पंजतीर्थी जम्मू पिन कोड 18000 पर 15 फरवरी 2025 थवां पैहले-पैहले
आइए जमा करोआनी होग। इस बारै व्यापक जानकारी आकाशवाणी दी
वेबसाइड www.newsonair.gov.in पर उपलब्ध ऐ।

<><><><><><>